



# BANDOA

**ETXARRI ARANAZKO ALKATEAK,  
JOSE IGNACIO BAKAIKOA ARISTORENAK**

## JAKINARAZTEN DU

Etxarri Aranatzko Udalak, Otsailaren 4ean egindako bilkuran hurrengo adierazpenarekin bat egitea onartu zuela, eta bat egiten du otsailaren 28rako deitutako greba orokorrekin eta etxarriar guztiei greba eta mobilizazioetan parte hartzera gonbidatzen zaituzte. Baita otsailaren 28an Nafarroako Parlamentu aurrean eguerdiko 12:00etan eginen den kontzentrazioan parte hartzera ere.

### **SAKANA EZ DA IXTEN! UPN GURE ETORKIZUNA LAPURTZEN**

Jada, krisiaren 5.urteari ekin diogu Sakanan. Egoeraren larritasuna begi bistakoa da bailara osoan: hamarnaka enpresa txiki, ertain eta handi itxita, ehundaka lanpostu suntsituta, 1800 langabetu baino gehiago (2008an baino 3 aldiz gehiago), gazteen erdia langabezian, komertzioa eta ostalaritza kinka larrian, lehendabiziko sektorea bizi irauten, hezkuntza, osasun eta zerbitzu sozialak murrizturik... Jakinda Iruñako Gobernutik ez dugula laguntzarik jasotzen, ez proposamenik, ez ekimenik gure egoera sozio ekonomikoa dinamizatu eta suspertzeko, mugitzea erabaki genuen sakandarrok eta 2011an krisi mahai biltzea lortu zen, sindikatu, alderdi, enpresari elkarte eta eragile ezberdinak adostasun garrantzitsuetara iritzi. Sakanatik Sakanarako dinamika bati ekitea erabaki zen, lan postu duhinak sortu, gure ehun ekonomikoa suspertu eta herritarron ongizatea hobetzeko. Horretarako abiapuntua adostu zen krisi mahaian:

1. Garapenerako Plan Estrategikoa egitea.
2. Sakanako garapenaz arduratuko den bertako entitatea sortzea, Sakanako Garapen Agentzia.
3. Nafar Gobernuak Sakana "Urgenteki Berrindustrializatzeko Zonaldea" deklaratzeko.
4. Nafar Gobernuak lankidetzara iraukorra bermatzea Mankomunitatea eta Garapenerako Agentziarekin, markatutako helburu sozio ekonomikoak betetzen laguntzeko.
5. 2012ko aurrekontuetan Sakanan adostutako ekimen hauek finantzatzeko diru partida bat onartzea Nafarroako Legebiltzarrak.
6. Gizartearen dinamizazioa bultzatzea, herritarrak kontzientziatu eta Sakanako garapen sozio-ekonomikoan inplikatzeko.

Sakanaren esku dagoena jada martxan jartzen ari da, 1, 2 eta 6. puntuak abian dira edo jartzear daude, erakunde, herritar eta eragileen lanari esker. Nafar Gobernuari zegozkion 3, 4 eta 5. puntuetan hitz politikak entzun, baina praktikan ezezko borobila jaso dugu sakandarrok. Aski da! Esateko garaia dela iruditzen zaigu. Sakana itxi nahi du UPN-k eta guk bertan lan eta bizi nahi dugu. Gure etorkizuna lapurtu nahi dute eta gure esku dago defendatzea. Nafar Gobernuak konpromezu batzuk hartu behar ditu Sakanarekiko:

- Nafar Gobernuak Sakanako garapenerako agente aktibo eta positibo bat izan behar du, lehendabiziko, bigarren eta hirugarren sektoreak suspertu eta garatzeko.
- Berrindustrializatzeko plan urgente bat garatu behar du, Sakanako erakunde, eragile, sindikatu eta Garapen Agentziarekin batera. Lan postuen suntsiketa gelditu behar du, berriak sortzen hasteko.
- Gure gazteen hezkuntzarako eskubidea bermatu behar du, Altsasuko Lanbide Hezkuntzan ematen diren aukerak dibertsifikatuz eta bailararen beharrei erantzunez eta gainontzeko zentruetako kalitatea bermatuz, behar den inbertsioa eginez eta langile kopurua bermatuz.
- Bailarako herritarron osasun eta babes sozialerako eskubidea bermatu behar du, Aita Barandiaran edo Josefina Arregi bezalako zentruen kudeaketa publikoa lehenetsiz, Osasun Zentruetako funtzionamendua bermatuz bai ordutegietan, bai hedapenean, bai langileen kopuruan.
- Sakanan, jada, ehundaka lagun dira langabezi subsidiarik gabe gelditu direnak. Baldintza duhinetan bizitzeko adinako babes sozial eta ekonomikoa bermatu behar du.

Sakana eta gure etorkizuna defendatzeko datorren **otsailak 28an SAKANAN GREBA OROKORRA** EGINEN DUGU **DENOK PARLAMENTU AURRERA JOATEKO** dardozkigun eskaerak aurrez aurre egiteko.

Etxarri Aranatz, 2013ko otsailaren 20an.  
Alkatea: Jose Ignacio Bakaikoa Aristorena.

